



24. Tschanteda dal cussagl cumünel in marculti, ils 18.12.2013 a las 18.15 in chesa cumünela S-chanf

Presidi: Duri Campell

Preschaints: Gian Andrea Bott, Ines Barblan, Paolo Bernasconi (a partir 199)

Absaints: Gian Fadri Largiadèr, Paolo Bernasconi (fin tractanda 198)

Actuar: Duri Schwenninger

Tractandas:

Protocol

- | | | |
|----|-------|--|
| 1. | | Protocol |
| 2. | 0.211 | Dumandas da fabrica |
| 3. | 0.211 | Societed Pro Canis svizra, dumanda per terrain per funder / construir a S-chanf ün center da cumpetenza da chauns, decisiun da princip |
| 4. | 6.240 | Nouva igluminaziun publica quartier Serlas, surdeda furniziun novas lampas |
| 5. | 9.999 | Varia |

La glista da tractandas vain approveda sainza objecziuns.

Protocol: Il protocol da la tschanteda dals 11.12.2013 vain approvu unanimamaing.

**197 0.211 Dumanda da fabrica
 Badilatti Bruno, dumanda per rimplazzer ed ingrandir implantaunt solar existent**

Bruno Badilatti ho inoltro üna dumanda da fabrica BAB per rimplazzer ed ingrandir l'implaunt solar existent sün parcella nr. 724 e 725 in Varusch. Zieva chi'd es avaintmaun il permiss da l'uffizi per il svilup dal territori, decid'il cussagl unanimamaing da conceder il permiss da fabrica cun las medemmas cundiziuns scu cha l'uffizi chantunel ho fat.

**198 0.211 Dumanda da fabrica
 Horka Georg, dumanda per fabricher**

Zieva chi'd es avaintmaun il permiss da l'uffizi per il svilup dal territori Grischun conced'il cussagl unanimamaing a Georg Horka il permiss da fabrica per renaturaliser la substantia historica da la chesa sün parcella nr. 532 in Susauna cun las medemmas cundiziuns scu cha l'uffizi chantunel ho fat.

**199 0.211 Dumanda da fabrica
Campell Duri, annunzcha da fabrica parcella nr. 374**

Il cussagl piglia cugnuschentscha da l'annunzcha da Duri Campell, chi ho l'intenziun da munter provisoricamaing tendas da protecziun pels chavals, fin cha'l permiss da fabrica per l'ingrandimaint da la remisa/stalla es avauntmaun, il pü da tuot fin ils 31.05.2013.

**200 0.210 Contrats e cunvegnas
Societed Pro Canis svizra, dumanda per terrain per funder /
construir a S-chanf ün center da cumpetenzza da chauns,
decisiun da princip**

La societed Pro Canis vuless funder ün center da cumpetenzza per chauns in Engiadin'Ota. Ils respunsabels haun inoltro a tuot las vschinaunchas üna dumanda per ün lö adatto. Il cussagl decida unanimamaing da fer ils sclarimaints regard ün lö adatto sün nos territori cumünel e da sustegner l'ideja.

**201 6.240 Iglüminaziun publica
Nouva iglüminaziun publica quartier Serlas, surdeda furniziun
nouvas lampas**

Daspö cha l'hotel Scaletta es serro cursescha la populaziun da S-chanf i'l restorant in Serlas, spezielmaing la saira cur chi'd es s-chür. A partir da la garascha Pinggera, respectivmaing tres la zona da misteraunza a partir da la chesa ex Steiner nun es la via iglümìneda, que chi chaschuna ün priewel pels peduns. Zieva chi'd es avauntmaun ün'offerta per la furniziun e la montascha da 5 lampas, decida il cussagl unanimamaing da surder la furniziun e la montascha a la Repower SA per l'import offert da fr. 23'546.90.

202 9.999 Varia

Da quista tractanda nu vain fat adöver.

A las 19.40 vain la tschanteda alveda.

In buna fè

L'actuar:
D. Schwenninger